

The
16
Fundamental
Truths

Tagalog

Mga Puna
Para sa Guro



*PO Box 13800 Ortigas Ctr, 1650 Pasig, MM RP • t(632)914.9767
• f(632)914.9768 • Email: distribution@apmedia.org • Web: www.apmedia.org*

1

Ang Salita ng Diyos ay Kinasihan

Hangarin ng Aralin

Kailangang maunawaan ng mga tao mula sa araling ito na ang Biblia ang kinasihang salita ng Diyos. Wala nang iba – hindi ang iba pang mga kasulatan, doktrina ng iglesya, hula, mga mensahe sa iba't ibang wika o mga salita ng mga taong maka-Diyos. Ang Biblia ang KAISA-ISANG walang pagkakamaling salita ng Diyos.

Mga Layunin

Malalaman ng mga mag-aaral ang sagot sa mga tanong na ito:

1. Sino ang nagkasi sa Biblia?
2. Paano pinipili ng Diyos ang paraan nang paghahayag Niya ng Kanyang sarili?
3. Saan natin maaaring ibatay ang ating pananampalataya at paano natin inaalam kung paano tayo mamuhay?

Mga Talata

Awit 19:7; Juan 17:17; 1 Tesalonica 2:13; 2 Timoteo 3:15-17; Santiago 1:23-25; 2 Pedro 1:21

Paghahanda

Kinikilala ng bawat grupo ng mga Kristiyano na ang Biblia ay banal, subalit hindi lahat ng mga ito ay tumitingin sa Biblia bilang pangwakas at pinakamataas na maykapangyarihan. Ang kanilang paniniwala ay:

1. Ang mga lider ng iglesya, tulad ng Papa, ay may kapantay o mas mataas na kapangyarihan kaysa sa Biblia.
2. Ang iglesya o mga tradisyong pang-relihiyon ay maaaring maging pinakamataas na maykapangyarihan.
3. Ang ating pag-iisip (katalinuhan) ang pinakamaykapangyarihan.

Sa aklat na *Truth Encounter* na isinulat ni Rev. Anthony Pezotta, sinipi niya ang sinabi ng dating pari na si Robert A. Champagne, "... Sa panuntunan ng Romano Catolico, ang tradisyon ay kapantay ng Biblia."

Subalit ang mga *born-again* ay naniniwalang ang Biblia LAMANG ang may pinakamataas na kapangyarihan. Sinabi ni Pablo, "Ang lahat ng mga kasulatan ay kinasihan ng Diyos at mapapakinabangan sa pagtuturo, sa pagsaway, pagtutuwid, at sa pagsasanay sa katuwiran." (2 Timoteo 3:16)

Mga Tanong Para sa Talakayan

1. Mayroon bang ibang gabay na papantay sa salita ng Diyos? (*Wala*). Ang mensahe ba ng iyong pastor?

(*Hindi*) Ang mga salita ng Papa? (*Hindi*)

2. Maaari ba nating isawalang bahala ang sinasabi ng ibang mga bahagi ng Biblia at manatiling tagasunod ni Cristo? (*Hindi*)
3. Kung may isang taong nagsasabi na siya ay may karanasan o kaisipan ukol sa Diyos subalit hindi ito matatagpuan sa Biblia, paano tayo tutugon dito? *Kailangang sumang-ayon sa Biblia ang kanilang karanasan o kaisipan; kung hindi, ito ay hindi totoo.*
4. Kung ikaw ay isang Kristiyanong mangangalakal, dapat bang maimpluwensiyahan ng salita ng Diyos ang iyong negosyo o ang mga ito ba ay magkahiwalay na isyu? (*Kailangang maging pamantayan ang Biblia sa lahat ng aspeto ng iyong buhay. Ayon sa Santiago 1:22, "... Kung ito'y pinakikinggan ninyo lamang ninyo ngunit hindi isinasagawa, dinadaya ninyo ang inyong sarili."*)

Mga Mungkahing Gawain

(kung nais lamang ng grupo)

1. Magkaroon ng panahon ng panalangin kung saan ang bawat isa ay mangangakong magpasakop sa salita ng Diyos sa pang-araw araw nilang buhay.
2. Magsimula ng isang grupong maaaring tawaging *What Would Jesus Do Club*. Upang makasali, ang bawat isa ay mangangakong magiging saligan ang salita ng Diyos sa kanilang mga desisyon. Maaari silang bigyan ng *WWJD bracelet*.
3. Maaari ring ilahad ng bawat miyembro kung ano ang nagaganap sa kanilang tahanan o hanap-buhay kapag pinagsisikapan nilang gawin ang sinasabi ng salita ng Diyos.

Mga Sagot

- a. Gagawin kang matalino
- b. Hindi
- c. Mula sa Diyos
- d. Salita ng Diyos
- e. Tulad ng isang tao na tumitingin sa salamin at kinakalimutan ang kanyang hitsura
- f. Pagpapalain
- g. Walang kapintasan
- h. Ang kaluluwa
- i. Pinananariwa ang ating panloob na espiritu
- j. Mapagkakatiwalaan
- k. Pahat ang kaisipan
- l. Alamin at sundin ang mga utos ng Diyos
- m. Ang salita ng Diyos ay katotohanan
- n. Maaari tayong linisin – palayain tayo mula sa kasalanan at gawing malinis at banal

2

Isang Tunay na Diyos

Hangarin ng Aralin

Ituro na mayroon lamang iisang tunay na Diyos na nabubuhay sa tatlong Persona, ang Banal na Trinidad.

Mga Layunin

Pagkatapos ng aralin, ang iyong *cell group* ay

1. Maipapaliwanag ang kahulugan ng Trinidad
2. Maisasalarawan ang konsepto ng Trinidad mula sa kalikasan
3. Makakahanap ng talata sa Biblia na naglalarawan sa Trinidad

Mga Talata

Exodo 3:13-14; Deuteronomio 6:4; Isaias 43:10-11; Mateo 5:16; 6:6-8; 28:19; Lucas 3:22; Juan 8:58; 14:8-10, 16-17, 26, 28; 2 Corinto 5:18-19; Hebreo 1:10-12

Paghahanda

Mahalagang paniwalaan ng mga Kristiyano na mayroon lamang iisang Diyos. May mga relihiyon na naniniwala na ang mga Kristiyano ay nananampalataya sa iba't ibang mga diyos dahil sinasamba natin ang Ama, ang Anak at ang Banal na Espiritu. Hindi nauunawaan ng mga grupong ito ang konsepto na ang Diyos ng mga mananampalataya ay isang Trinidad.

Ang konseptong mayroong iisang Diyos na nabubuhay sa 3 Persona (isang Trinidad) ay napakahalaga. Ang mga iglesyang nagtuturo na ang Diyos ay nabubuhay lamang sa 1 Persona ay nagkakamali sa kanilang pagkaunawa sa kung sino ang Diyos. Ang Ama, ang Anak at ang Banal na Espiritu ay pare-parehong Diyos. Ang paniwala sa “*Jesus only*” ay hindi ayon sa salita ng Diyos.

Mahirap ipaliwanag ang Trinidad. May mga taong gumagamit ng mga halimbawa sa kalikasanan upang ipaliwanag nang mas malinaw ang konseptong ito. Isang halimbawa ay tubig. Ito ay may tatlong anyo – yelo, tubig at usok. Tubig pa rin ang lahat ng mga ito. Isa pang halimbawang ginagamit ng mga guro ay itlog – balat, puting bahagi at pulang bahagi. Subalit may mga taong ayaw gamitin ang mga halimbawang ito sapagkat ito raw ay hindi ayon sa Biblia.

Mga Tanong Para sa Talakayan

1. Paano mo ipapaliwanag ang Trinidad sa iyong mga anak sa paraang kanilang mauunawaan ito? (*Iba't ibang mga sagot – mga bagay na makikita sa kalikasan*)
2. Anong mga talata ang maaari mong gamitin upang ipagtanggol ang iyong paniniwala ukol sa Trinidad? (*Mateo 28:19*)

3. Sa kaninong pangalan ka dapat mabautismuhan? (*Sa ngalan ng Ama, ng Anak at ng Banal na Espiritu*)
4. Kung kinakausap mo ang isang taong hindi naniniwala sa iisang tunay na Diyos, paano mo ilalarawan ang Diyos? (*Iba't ibang mga sagot*)

Mga Mungkahing Gawain (kung nais lamang ng grupo)

Basahin ang Juan 14. Sa isang pirasong papel, gumawa ng tatlong tudling at itala ang sinasabi ng kapitulong ito ukol sa mga katangian at gawain ng Ama, ng Anak at ng Banal na Espiritu. Maaaring mas maraming katangian ang isa sa kanila.

Ama

1. May bahay na may maraming silid
- 2.
- 3.

Anak

1. Ipinaghahanda tayo matitirhan
- 2.
- 3.

Banal na Espiritu

1. Tagapayo
- 2.
- 3.

Mga Sagot

- a. Hindi
- b. Hindi
- c. Hindi
- d. Ako Nga
- e. Diyos
- f. Luluma sila tulad ng mga damit
- g. Mananatili Siya
- h. Hindi kailanman mamamatay ang Diyos
- i. Isa
- j. Tatlo
- k. Diyos Anak
- l. Banal na Espiritu



3

Ang PagkaDiyos ng Panginoong Jesu-Cristo

Hangarin ng Aralin

Ituro na si Jesus ay ganap na Diyos

Mga Layunin

Matututunan ng mga mag-aaral na Siya ay Diyos dahil sa Kanyang:

1. Pagsilang mula sa isang dalaga
2. Buhay na walang kasalanan
3. Mga himala
4. Pag-aalay ng Kanyang buhay
5. Pagkabuhay na muli
6. Pag-akyat sa langit

Mga Talata

Mateo 1:23; 28:6; Lucas 1:21, 35; 24:39; Gawa 1:9, 11, 2:33; 2:22, 10:38; 1 Corinto 15:3-4; 2 Corinto 5:21; Filipos 2:9-11; Hebreo 1:3; 7:26; 1 Pedro 2:22

Paghahanda

Maraming mga tao ang nag-iisip kung si Jesu-Cristo ay tunay na Diyos. Ang bawat grupo ay may iba't ibang mga sagot sa tanong na ito. Ang mga iba ay naniniwala na Siya ay naging mabuting tao at dakilang guro. Ang iba naman ay naniniwalang Siya ay kalahating tao at kalahating Diyos. (*Minamaliit ng kaisipang ito si Jesus*). Itinuturing naman ng Islam si Jesus bilang isang kabigan lamang ng Diyos.

Bilang mga *born-again*, nauunawaan nating si Jesus ay higit kaysa sa isang pambihirang tao. Siya ay Diyos na nagkatawang-tao. Si Jesus ay totoong tao at totoong Diyos.

Mga Tanong Para sa Talakayan

1. Nagkaroon na ba at maaari bang magkaroon ng katulad si Jesu Cristo? (*Wala*)
2. May mga tao bang nagkaroon ng mga katangian ng pagiging tunay na Diyos at tunay na tao? (*Wala*)
3. Ano ang anim na bagay na ginawa ni Jesus na ang Diyos lamang ang makakagawa? (*Ipinanganak mula sa isang dalaga, namuhay nang walang kasalanan, gumawa ng mga himala, namatay para sa ating mga kasalanan, nabuhay na muli mula sa mga patay, umakyat sa langit*)
4. Marami bang mga nakakita kay Cristo nang mabuhay na muli Siya mula sa mga patay? (*Daan-daang*)
5. Anong uri ng katawan nagkaroon si Jesus pagkaraang mabuhay Siya mula sa mga patay? (*Tunay na katawan – maaari Siyang kumain o uminom*)
6. Marami bang mga nakakita nang si Jesus ay umakyat sa langit? (*Oo*)



7. Ano ang bunga ng katotohanang maraming mga saksi sa iyong paniniwala sa muling pagkabuhay na muli ni Cristo? (*Iba't ibang mga sagot*)
8. Saan na matatagpuan si Jesus? (*Nasa kanan ng Diyos, Gawa 2:33*)

Mga Mungkahing Gawain (kung nais lamang ng grupo)

1. Kung ikaw ay isang tagapagbalita sa muling pagkabuhay at pag-akyat ni Cristo sa langit, ano ang pamagat ng iyong isusulat?
2. Minsan ay naitanong ni Jesus sa Kanyang mga alagad kung ano ang pagkakilala ng mga tao sa Kanya (Mateo 16:13). Sa linggong ito, maaaring tanungin ang mga tao kung sino Siya at ano ang kanilang palagay ukol sa Kanya. Makinig lamang; huwag magdagdag o itama ang kanilang sinasabi. Naaayon ba sa Biblia ang kanilang mga sinasabi?

Mga Sagot

- a. Jesus
- b. Mga himala at pagpapagaling
- c. Oo
- d. Nagkaroon Siya ng laman at buto
- e. Kanyang mga tagasunod



4

Ang Pagkakasala ng Tao

Hangarin ng Aralin

Ituro na ang tao ay nilalang ng Diyos at sumuway sa Diyos. Dahil sa pagsuway na ito, nabago ang kalikasan ng tao magpakailanman.

Mga Layunin

Matututunan ng mga mag-aaral ang sagot sa mga sumusunod na tanong:

1. Sino ang lumikha sa tao?
2. Makasalanan ba ang tao nang siya'y likhain?
3. Kailan nabago ang banal na kalikasan ng tao?
4. Nawala ang ating katayuan nang magkasala si Adan. Mababawi ba natin ito?
5. Sino ang umako ng kabayaran ng ating kasalanan?
6. Totoo bang ang kasalanan ay dumating sa sanlibutan dahil sa isang tao – at napagtagumpayan ang kasalanan dahil sa isa pang tao?

Mga Talata

Genesis 1:26, 27, 31; 2:15-17; 3:6, 16-19; Roma 5:12, 18-19

Paghahanda

Maraming mga teorya ukol sa pagkakalikha ng sanlibutan. Sinasabi ng Biblia na ang Diyos ang lumikha sa sandaigdig. Naniniwala rin ang mga Kristiyano na may panahon noon nang ang sangkatauhan ay walang kasalanan. Subalit pinili ni Adan na suwayin ang utos ng Diyos at magkasala kung kaya't ang kaparusahan niya ay kamatayan – hindi lamang para sa kanya kundi para sa lahat ng nabuhay pagkatapos niya.

May isang panuntunan sa agham na nagsasabing, *walang pagkilos kung walang reaksiyon*. Sa ibang salita, laging magkasama ang dahilan at bunga. Ang ating pagpili ay nagdudulot ng mabuti o masamang kinahinatnan. Nilikha si Adan sa wangis ng Diyos. Ang ibig sabihin nito ay may kapangyarihan siyang gumawa ng pagpapasiya. Pinili niyang magkasala. Dahit dito, tumanggap siya ng kaparusahan – kaparusahan ng kamatayan.

Si Jesus ay tinatawag ding “Pangalawang Adan.” Tinawag Siya nang ganito dahil Siya ay walang kasalanan. Di katulad ni Adan, hindi nawala ang Kanyang banal na katangian. Nang tinukso si Jesus at humarap Siya sa pagpili kung Siya ay magkakasala o hindi, nag-desisyon Siya nang tama. Hindi Siya nagkasala. Dahil sa pagsunod ni Jesus, mayroon tayong pagkakataong maitama ang ating kaugnayan sa Diyos. Maaari nating panumbalikin ang ating kaugnayan sa ating Manlilikha. Ayon sa Biblia, dinala ng isang tao ang kasalanan sa sanlibutan; isang sakdal na tao ang maaaring mag-alis nito. Kung may panahon ka, maaari mong basahin ang buong Roma 5. Ayon sa mga talatang 18 at 19, “Kaya’t kung paanong nagbunga ng

kaparusahan sa lahat ang kasalanan ng isang tao, ang pagkamatuwid naman ng isang tao ay nagdulot ng kapatawaran at buhay sa lahat. Sapagkat sa pagsuway ng isang tao ay marami ang naging makasalanan, gayon din naman, marami ang pawawalang-sala sa pagsunod ng isang tao.” Ang bunga ng kamatayan ni Jesus ay ang pagkakataon na mabawi ang ating buhay na walang hanggan kasama ang Diyos.

Mga Tanong Para sa Talakayan

1. Bukod sa paglilikha, ano pang mga teorya ukol sa Paglikha ang nagpapaliwanag ukol sa pagkakaroon ng sandaigdig? (*Iba't ibang mga sagot*)
2. Paano maiiba ang iyong buhay kung hindi ka naniniwala sa isang Manlilikha? (*Iba't ibang mga sagot*)
3. Ano ang ibig sabihin ng sinasabi ng Biblia na ang tao ay nilikha ayon sa wangis ng Diyos? (*Iba't ibang mga sagot*)
4. Totoo bang ang lahat ng ating mga pagpipili ay may kinahinatnan? (*Oo*)
5. Maaari ba nating mabawi ang ating katayuan sa Diyos nang walang tulong ng iba? Bakit? (*Hindi, mayroon tayong makasalanang kalikasan*)
6. Paano tayo binigyan ni Jesus ng buhay na walang hanggan? (*Inako Niya ang ating kaparusahan*)
7. Kapag inutusan tayo ng Diyos na sumunod sa Kanya, inaasahan ba Niyang gagawin natin ito? (*Oo*)
8. Kapag pinili nating suwayin ang Diyos, ano ang mangyayari? (*Dapat nating harapin ang mga kapinsalaan*)

Mga Mungkahing Gawain**(kung nais lamang ng grupo)**

Pag-usapan ang mga kinahinatnan sa pamamagitan ng paglalahad ng mga pagpipili na ginawa ninyo sa buong linggong ito (maaring mabuti o masama) at mga bunga nito.

Mga Sagot

- a. Sa Diyos
- b. Mga hayop, mga halaman
- c. Isa
- d. Huwag kainin ang bunga ng punongkahoy na nagbibigay ng kaalaman tungkol sa mabuti at masama
- e. Kainin ang puno na nagbibigay ng kaalaman
- a. Kahirapan sa pagbubuntis at paghaharian siya ng asawang lalaki
- b. Kahirapan sa paghahanap ng makakain
- c. Sa pamamagitan ng isang tao
- d. Sa pamamagitan ng kasalanan
- e. Tama
- f. Kahatulan para sa sangkatauhan
- g. Pagwawalang-sala na nagbibigay buhay para sa lahat ng tao
- h. Ginawang matuwid ang marami

5

Ang Kaligtasan ng Tao**Hangarin ng Aralin**

Ituro ang ukol sa mga kinakailangan para sa kaligtasan at mga katibayan ng kaligtasan

Mga Layunin

Matututunan ng mga mag-aaral ang mga sagot sa mga sumusunod na tanong:

1. Bakit kinakailangang ang lahat ay maipanganak na muli?
2. Paano naipapanganak na muli ang isang tao?
3. Paano mo masasabi kung ang isang tao ay naipanganak na muli?

Mga Talata

Lucas 13:3; Juan 3:3; Roma 8:16; 10:13-15;
Efeso 2:5, 6, 8; 4:24; Tito 2:11-12; 3:5-7; 24:4

Paghahanda

Bago ituro ang araling ito, subukang basahin ang Santiago 2:14-24.

Ang kaligtasan ay kaloob na walang bayad subalit ito ay may halaga. Kung ang isang tao ay tunay na ligtas may mga katibayan ito.

Nang si Jesus ay narito pa sa sanlibutan at nagtuturo, sinindak Niya ang mga tao sa Kanyang sinabi na ang mga seremonyang pang-relihiyon o ang halagang ipinagkakaloob ng mga tao sa templo ay hindi sapat upang makamit nila ang katuwiran. (Ganito pa rin ang pinaniniwalaan ng maraming mga Romano Catolico sa panahon ngayon). Itinuro ni Jesus na nais ng Diyos na ibigin ang mga tao at magkaroon Siya ng kaugnayan sa kanila, subalit kailangan muna nilang magsisi at mapatawad sa kanilang mga kasalanan.

Ilang taon pagkaraang umakyat si Cristo sa langit, muli na namang nadaya ang mga tao sa paniniwala na ang pagdalo sa iglesia, pagtupad sa mga seremonyang pang-relihiyon, panalangin o pagbibigay ng dagdag na handog ay magdadala sa kanila sa langit. Iginiit ni Martin Luther sa iglesia noong *middle ages* na dapat nilang alalahanin na ang ginawa ni Cristo sa krus at ang kanilang pagtanggap nito ang magbibigay daan sa pagkakaroon ng kaugnayan sa Diyos. Naligtas tayo sa pamamagitan ng pananampalataya sa kamatayan ni Cristo sa krus. Ito'y kaloob ng Diyos. Hindi natin ito maaaring paghirapan sa anumang paraan. Hindi tayo naligtas dahil sa ating mga gawa. Pananampalataya kay Jesu Cristo ang tanging magbubukas ng daan para sa atin tungo sa langit.

Tayo ay hindi maaaring di mabago ng ating pagsisi at pananampalataya sa kamatayan ni Cristo sa krus. Kung tunay tayong naipanganak na muli, hindi na tayo maaaring magpatuloy sa kasalanan. Nanaisin na natin na maging matuwid. Hindi tayo maaaring magpatuloy sa kasinungalingan, pandaraya, pagnanakaw o paggawa ng iba pang kasamaan at magpatuloy sa ating kaugnayan kay Cristo. Halimbawa, ang isang lalaki ay hindi maaaring mamuhay para kay Cristo AT mangalunya. Ang isang babae ay hindi maaaring mamuhay para kay Cristo AT tustusan ang kanyang pamilya sa pamamagitan ng pagnanakaw sa kanyang amo. Hindi tayo maaaring magbigay ng suhol, kasinungalingan o kahihyan sa Banal na Espiritu at manatiling may kaugnayan sa Diyos. Ang kapanganakang muli ay nangangahulugang higit tayong ginagawa ng Banal na Espiritu na maging kawangis ni Cristo. Makikita ito sa ATING PANGARAW ARAW NA BUHAY.

Mga Tanong Para sa Talakayan

1. Paano matatanggap ng isang tao ang kaligtasan? (*Magsisi, manampalataya at mamuhay nang masigla para kay Cristo*)
2. Paano malalaman ng isang tao na siya ay ligtas? (*Alam natin sa ating kalooban, ayaw na nating magkasala, binagabo ng Diyos ang ating kalikasan*)
3. Ipagpalagay na ang isang tao ay tumanggap kay Cristo. Paano mo siya tuturuan? (*Iba't ibang mga sagot*)
4. Kung sinasabi ng isang tao na siya ay ipinanganak na muli, paano mo malalaman kung nagsasabi siya ng totoo? (*Makikita sa kanyang buhay*)

Mga Mungkahing Gawain**(kung nais lamang ng grupo)**

1. Subukang ipaliwanag ang kaligtasan sa isang miyembro ng pamilya o kaibigan.
2. Ipanalangin matagpuan ng nasabing miyembro ng pamilya o kabigan si Cristo bilang kanyang Tagapagligtas.



6 Ang Mga Kautusan ng Iglesia

Hangarin ng Aralin

Ituro ang kahulugan ng bautismo at Banal na Hapunan

Mga Layunin

Sa pagtatapos ng aralin, ang mga mag-aaral ay dapat:

1. Malaman ang kahulugan ng bautismo
2. Malaman ang kahulugan ng Banal na Hapunan
3. Piliin na mabautismuhan kung hindi pa nila ito nagawa
4. Magkaroon ng mas malawak na pagkaunawa sa Banal na Hapunan at makisali rito nang mas madalas

Mga Talata

Bautismo: Mateo 28:19; Marcos 16:16;

Gawa 10:47-48; Roma 6:3-4

Banal na Hapunan: 1 Corinto 11:23-26; 2 Pedro 1:4

Paghahanda

May mga pagkakaiba sa pagtupad ng bautismo at Banal na Hapunan ang iba't ibang mga iglesia.

Bautismo: Ang ibang mga iglesia ay nagbabautismo ng mga sanggol. Marahil hindi ito ang nararapat na gawin. Ipinapakita ng Biblia na ang bautismo ay ginagawa ng mga tao upang ipakita na inilagak na nila ang kanilang pananampalataya kay Jesu Cristo bilang kanilang sariling Tagapagligtas. Hindi dapat bautismuhan ang sinumang hindi pa nagpahayag ng pansarili nilang pananalig kay Jesu Cristo – kailangang nasa wastong gulang na bago makapagpasiya na gawin ito. Ang mga sanggol ay inihahandog kay Cristo hanggang sa sila ay nasa wastong gulang na upang makapagpasiy ang magpabautismo.

Mayroon din namang mga iglesia na ang paraan ng bautismo ay paglubog (ang tao ay inilulubog sa tubig) o pagwiwisik. Sa wikang Griyego, ang salitang bautismo ay nangangahulugang “ilubog.” Subalit may mga sitwasyon na walang sapat na lugar para ilubog ang isang tao, kung kaya’t ang pagwiwisik ay maaaring gawin. Ang mas mahalaga ay ang kanyang tapat na pagbabagong-loob.

Iba naman ang **Banal na Hapunan**. May mga iglesyang gumagamit ng biskuwit, ang iba ay tinapay. Mayroon ding gumagamit ng *grape juice*, at ang iba naman ay alak.

Sa ibang mga pananampalataya, ang tinapay at alak (o juice) ay hindi ibinibigay sa lahat. Ang pari ang kumakatawan para sa kanila. Hindi ito ayon sa



Biblia. Iniutos ni Jesus na ang lahat ng mga mananampalataya ay makisalo sa Banal na Hapunan.

Hindi tayo nakikilahok sa Banal na Hapunan upang mapatawad ang ating mga kasalanan kundi dahil NAPATAWAD NA ang mga ito sa pamamagitan ng kamatayan ni Jesus sa krus. Ito ay isang paalala na tayo ay kabilang sa pamilya ng Diyos at si Jesus ay muling babalik upang dalhin tayo sa ating tahanan sa langit.

Mga mananampalataya lamang ang maaaring makisalo sa Banal na Hapunan.

Mga Tanong Para sa Talakayan

1. Ano ang mga dahilan kung bakit kailangang mabautismuhan? (*Ayon sa Biblia, kailangang mabautismuhan pagkatapos na tanggapin si Cristo bilang iyong Tagapagligtas*)
2. Sino ang dapat mabautismuhan? (*Mga mananampalataya*)
3. Ano ang ibig sabihin ng Banal na Hapunan? (*Isinasalarawan nito na kasalo ka sa kalikasan ni Cristo, inaalala mo ang Kanyang pagpapakasakit at naniniwala ka na babalik Siyang muli*)
4. Sino lamang ang maaaring makisalo sa Banal na Hapunan? (*Mga mananampalataya*)

Mga Mungkahing Gawain (kung nais lamang ng grupo)

1. Anyayahan ang iyong mga miyembro na ilahad ang kanilang karanasan sa pagbabautismo.
2. Hilingin ang isa sa inyong mga pastor na manguna sa Banal na Hapunan sa inyong *cell group*.
3. Sauluhin ang Marcos 16:16.



7

Ang Bautismo sa Banal na Espiritu

Hangarin ng Aralin

Ituro ang kahulugan ng bautismo sa Banal na Espiritu at kung paano ito matatanggap

Mga Layunin

Matututunan ng mga mag-aaral ang mga sagot sa mga sumusunod na tanong:

1. Ano ang bautismo sa Banal na Espiritu?
2. Ano ang kabutihan nito?
3. Sino ang maaaring tumanggap nito?
4. Paano ito matatanggap?

Mga Talata

Maraming mga talata ang tumutukoy sa Banal na Espiritu, gayundin ang bautismo sa Banal na Espiritu. Karamihan sa mga ito ay matatagpuan sa mga aklat ng Gawa at 1 Corinto, tulad ng Marcos 16:20; Lucas 24:49; Juan 7:37-39; Gawa 1:4,8; 2:42-43; 4:8; 8:12-17; 10:44-46; 11:14-16; 15:7-9; 1 Corinto 12:4-11, 28; Hebreo 12:28

Paghahanda

Ang bautismo sa Banal na Espiritu ay isang paksang pinagtatalunan ng mga iglesya. Ang iba sa kanila ay naniniwala na ang bautismo sa Banal na Espiritu na may pisikal na palatandaan ng pagsasalita sa iba't ibang wika ay hindi na maaaring maranasan ngayon. Sa kabilang dako, ang karamihan sa mga iglesyang *Pentecostal* ay naniniwala naman na ang karanasang ito ay para sa lahat ng mga mananampalataya, kabilang tayo sa panahon ngayon.

Kung ang iyong *cell group* ay sadyang mausisa ukol sa bautismo sa Banal na Espiritu at kung mayroon silang mga katanungan na hindi ninyo kayang sagutin nang sama-sama, hikayatin silang basahin ang 1 Corinto 12, 13, 14.

Mga Tanong Para sa Talakayan

1. Tinalakay ba ni Jesus ang ukol sa Banal na Espiritu noong narito pa Siya sa lupa? Maaari ka bang magbigay ng mga halimbawa? (*Iba't ibang mga sagot*)
2. Ang bautismo sa Banal na Espiritu ay inihula sa Joel 2:28-32. Ipinapalagay ba ng hulang ito na ang mga mahimalang pangyayari ay maaari pa ring maganap sa panahon ngayon? (*Oo*)
3. Anong mga kabutihan ang ipinagkakaloob ng bautismo sa Banal na Espiritu? (*Kapangyarihan, pagmamahal sa Diyos, pag-ibig para sa mga nawawala*)



4. Sino ang maaaring tumanggap ng bautismo sa Banal na Espiritu? (*Mga mananampalataya*)

Mga Mungkahing Gawain (kung nais lamang ng grupo)

1. Ipanalangin ang sinumang nagnanais na tumanggap ng bautismo sa Banal na Espiritu.
2. Kung maraming may mga katanungan ukol sa paksang ito, anyayahan ang isang pastor sa susunod na linggo upang makapagbigay-linaw ukol dito.
3. Anyayahan sila na dumalo sa *mid-week prayer service*. Paano ginagamit ang bautismo sa Banal na Espiritu para sa pagpapanalangin sa bawat isa?



8

Tanda sa Bautismo sa Banal na Espiritu

Hangarin ng Aralin

Ituro ang layunin ng kaloob na pagsasalita sa iba't ibang wika

Mga Layunin

Matututunan ng mga mag-aaral ang mga sagot sa mga sumusunod na tanong:

1. Ano ang unang pisikal na palatandaan ng bautismo sa Banal na Espiritu?
(*Pagsasalita sa iba't ibang wika*)
2. Bakit nananalangin sa iba't ibang wika?
(*Upang magpanalangin para sa iba, kapag hindi nila alam kung paano manalangin*)
3. Bakit may mga nagsasalita sa iba't ibang wika?
(*Upang lumago at mapalakas*)
4. Kailan hindi dapat magsalita sa iba't ibang wika?
(*Kapag walang tagapagsalin sa pampublikong gawain*)

Mga Talata

Marcos 16:17; Gawa 2:4; 10:17-21, 45-46;

Roma 8:26; 1 Corinto 12:4-10, 28; 14:4-5, 21-22

Paghahanda

Ang kaloob ng pagsasalita sa iba't ibang wika ay isang kaloob ng Banal na Espiritu na angkop pa rin sa panahon ngayon tulad noong panahon ng Biblia. Kung ang isang tao ay nabautismuhan sa Banal na Espiritu, nakatitiyak siya na ang kanyang karanasan ay totoo kapag siya'y nagpasimulang magsalita sa iba't ibang wika. Kung ibig nating manalangin para sa iba, maaari tayong manalangin sa iba't ibang wika at malalaman natin ang ating dapat na ipanalangin. Lalong gumaganda ang pananambahan kapag may tagapagsalin ang bawa't pagsasalita sa iba't ibang wika. Maging ito man ay pansariling karanasan o kaloob sa pampublikong gawain, ang pagsasalita sa iba't ibang wika ay may layunin na naaayon sa salita ng Diyos.

Mga Tanong Para sa Talakayan

1. Kailan nagpapasimulang magsalita sa iba't ibang wika? (*Kung ang tao ay nabautismuhan sa Banal na Espiritu*)
2. Kailan angkop ang pagsasalita sa iba't ibang wika sa iglesya? (*Kapag may tagapagsalin*)
3. Nagsalita ba sa iba't ibang wika si Pablo?
(*Oo, 1 Corinto 14*)



4. Bilang isang huwaran, kailangan bang magsalita sa iba't ibang wika ang bawat mananampalataya?
(*Oo*)

Mga Mungkahing Gawain (kung nais lamang ng grupo)

1. Basahin at talakayin ang 1 Corinto 14.
2. Maglahad ng mga patotoo ukol sa mga pagkakataong ikaw ay nagsalita sa iba't ibang wika.
3. Bumisita sa ibang iglesyang *Pentecostal*. Paano nila ginamit ang mga kaloob ng Espiritu?

Mga Sagot

- a. Oo
- b. Nagpasimulang magsalita sa iba't ibang wika
- c. Narinig niya silang nagsasalita sa iba't ibang wika
- d. Lahat
- e. Pinapalakas ang taong nagsasalita



9

Pagpapakabanal**Hangarin ng Aralin**

Ibigay ang batayan sa salita ng Diyos para sa mga pagpipili ukol sa pamumuhay

Mga Layunin

Matututunan ng mga mag-aaral ang mga sagot sa mga sumusunod na tanong:

1. Kalakip ba sa pagtanggap kay Cristo ang pangmatagalan na pagbabago ng pamumuhay? OO!
2. Ang mabuting pag-uugali ba ay makakapagbigay ng katiyakan kung tayo ay ligtas o hindi? HINDI!
3. Ang pagbabago ba sa pag-uugali pagkatapos na maligtas ang makakapagsabi kung ang karanasan ay tunay o hindi? OO!
4. Maaari bang magtagumpay laban sa kasalanan? OO!
5. Pang-habang buhay ba ang pagpapakabanal? OO! Buong buhay.

Mga Talata

Roma 12:1, 2; 6:11-14; 8:1-2,13; Filipos 2:12, 13;1 Tesalonica 5:23, 24; Hebreo 12:14; 13:12; 1 Pedro 1:5, 15-16

Paghahanda

Napakadaling himukin ang mga tao na tanggapin si Jesu Cristo bilang kanilang Tagapagligtas. Maraming nagnanais na magkaroon ng buhay na walang hanggan o mapatawad ang kanilang mga kasalanan. Subalit napakahirap para sa kanila na baguhin ang kanilang pag-uugali. Sa katunayan, walang sinuman na makakapagbabago sa kahit sino. Maaari nilang pigilan ang ginagawa ng tao subalit ang kanilang mga puso at kaisipan ay hindi magbabago malibang kumilos ang Banal na Espiritu.

Sa araling ito, sikapin mong patunayan sa pamamagitan ng Biblia na ang isang taong tunay na *born-again* ay hindi na dapat piliin ang kasalanan. Ituro na ang pagiging matuwid sa lahat ng panahon ay patunay na ang Banal na Espiritu ay kumikilos sa kanilang mga buhay. Ang mga taong nalulugod na magpatuloy sa paggawa ng kasalanan marahil ay hindi totoong *born-again*. Ang pinakamagandang paliwanag ukol dito ay matatagpuan sa aklat ng Santiago sa Biblia. Dito, ipinaliliwanag ni Santiago ang nangyayari sa buhay ng isang taong tumanggap kay Cristo. Tinatalakay niya kung paano maaaring ipamuhay ang kanilang pananampalataya – sa karaniwang pananalita – ay “*gawin ang sinasabi*.”

Ang mga artista ay kapuri-puri dahil sa kanilang talento. Ang mga *fashion model* naman ay kapuri-

puri dahil sa kanilang pagiging kahali-halina. Ang mga Kristiyano ay kailangan din na magkaroon ng dangal. Dapat maging katulad tayo ni Jesus sa ating ikinikilos.

Kung may panahon, basahin ang aklat ng Santiago bago ituro ang araling ito.

Mga Tanong Para sa Talakayan

1. Kailangan bang maging mabuti ang isang tao bago niya matanggap ang kaligtasan? Hindi
2. Kapag sumunod tayo kay Jesus, kailangan munang mamatay tayo sa ating sarili. Ano ang ibig sabihin nito? (*Iba't ibang mga sagot*)
3. Sino ang kilala mo na totoo ang IKINIKILOS bilang isang Kristiyano? Bakit mo nasabi ito? (*Iba't ibang mga sagot*)

Mga Mungkahing Gawain**(kung nais lamang ng grupo)**

1. Interbiyuhin ang isang tao na HINDI mananampalataya. Tanungin siya kung bakit niya nasabi ito.
2. Sauluhin ang Roma 6:1-2

Mga Sagot

- a. *Hindi*
- b. *Iba't ibang mga sagot*
- c. *Dahil sa biyaya ng Diyos para sa atin*
- d. *Pamumuhay nang may kabanalan*
- e. *Oo*
- f. *Diyos*
- g. *Espiritu*
- h. *Kaluluwa*
- i. *Katawan*
- j. *Tapat*
- k. *Gagawin*



10

Ang Iglesya

Hangarin ng Aralin

Ituro ang kahalagahan ng iglesya

Mga Layunin

Matututunan ng mga mag-aaral ang mga sagot sa mga sumusunod na tanong:

1. Ano ang tungkulin ng iglesya?
2. Ano ang dapat gawin ng iglesya?
3. Ano ang kahulugan ng pagiging kasapi sa iglesya ni Cristo?
4. Paano mo pipiliin ang iglesyang maaari mong daluhan?

Mga Talata

Mateo 28:19-20; Marcos 16:15-16; Juan 8:31; 13:35; Gawa 1:8; 4:32; 1 Corinto 12:14-20; Efeso 1:22-23; 2:22; 4:4, 11-12; Hebreo 12:23

Paghahanda

Ang salitang “iglesya” ay nagmula sa matandang salitang Griyego na *kuriakon* na ang ibig sabihin ay “bahay ng Panginoon.” Ang salitang “iglesya” ay may dalawang pangunahing konsepto. Ang una ay ang iglesya ay tumutukoy sa *Katawan ni Cristo*. Ang Katawan ni Cristo ay binubuo ng lahat ng mga mananampalataya na makakasama ni Cristo sa langit pagdating ng panahon. Ang pariralang ito ay tumutukoy sa kabuuan ng mga mananampalataya, hindi iisang denominasyon o pamamaraan ng paniniwala.

Ang ikalawang kahulugan ng salitang “iglesya” ay mga lokal na kapulungan ng mga mananampalataya o *fellowship*. Maaari rin itong tumukoy sa isang denominasyon, tulad ng “Anong iglesya ang iyong kinabibilangan?” O, maaari itong maging isang gusali, tulad ng, “Saan kang iglesya dumalo?”

Mga Tanong Para sa Talakayan

1. Gaano kahalaga ang pagdalo sa iglesya lokal? (*Napakahalaga! Itinuturo nila kung paano tayo magiging alagad ni Cristo.*)
2. Ang pagdalo/paglahok ba sa isang iglesya lokal ay makakapagbigay ng kasiguruhan ng ating kaligtasan? (*Hindi*)
3. Paano nagiging kapakinabangan ang pagdalo? (*Natututo tayo sa bawa't isa*)
4. Paano mamili ng iglesyang maaaring daluhan? (*Iba't ibang mga sagot*)

5. Ano ang mga bagay na dapat isaalang-alang sa pagpili ng iglesyang dadaluhan? (*Itinuturo nang wasto ang Biblia, gumagawa ng mga alagad, nagmamahalan sa isa't isa*)
6. Gaano kahalaga ang ating pagmamahalan sa bawa't isa bilang saksi sa ating komunidad? (*Iba't ibang mga sagot*)

Mga Mungkahing Gawain**(kung nais lamang ng grupo)**

1. Basahin muli ang Efeso 4:11-12. Anong uri ng pagkatawag ang ibinigay ng Diyos sa mga nasa iglesya? Malinaw bang nakikita ang mga ito sa buhay ng mga kaanib sa inyong *fellowship*? Ano ang layunin ng mga kaloob na ito? Ano ang mangyayari kung mali ang paggamit sa talento o kapag ayaw gamitin ito?
2. Gumawa ng kabutihan sa isang dumadalo sa inyong *fellowship* ngayong linggo na magpapahayag sa pagmamahal ni Cristo sa kanya.

Mga Sagot

- a. *Maaaring mas mainam ang iglesya*
- b. *Oo, upang makapasok sa presensiya ng Diyos at makasama ang iba't ibang mga mananampalataya*
- c. *Marahil*
- d. *Gumawa ng mga alagad*
- e. *Oo*
- f. *Hindi*
- g. *Iba't ibang mga kuru-kuro*
- h. *Oo*
- i. *Sumusunod kay Jesus*
- j. *Magmahalan*
- k. *Nagmamahalan sa isa't isa*



11

Ang Ministryo

Hangarin ng Aralin

Ipalibanag na ang Diyos ay may banal na pagkatawag sa ibang mga tao

Mga Layunin

Matututunan ng mga mag-aaral ang mga sagot sa mga sumusunod na tanong:

1. Sino ang tumatawag sa tao upang maglingkod? – Diyos.
2. Anu-ano ang mga ministryo? – Pastor, mangangaral, guro, ebanghelista
3. Ano ang tatlong gawain na kailangan nilang gawin? – Ebangelismo, pagsamba, paggawa ng mga alagad

Mga Talata

Ezekiel 13:3, 6; Marcos 16:15-20; Juan 4:23-24; 15:16; 1 Corinto 12:28; Efeso 4:11-13, 16; 2 Timoteo 4:5

Paghahanda

Bago dumating si Jesus dito sa lupa, ang mga Judio ay may mga saserdote at Levita na naglingkod sa templo. Ang mga gawaing ito ay kanilang namana. Hindi nila naramdaman na tinawag sila sa mga gawaing ito subalit tinupad nila ito dahil ang Diyos ang nagbukod sa kanila at sa kanilang pamilya para sa layuning ito. Sa aklat ng Bilang, mababasa natin ang pagkatawag ng Diyos sa tribo ni Levi upang maging mga saserdote.

Nang bumangon si Jesus mula sa mga patay, pinasimulan ng Kanyang mga alagad ang pagtatag sa iglesia. Nagsimulang tawagin ng Banal na Espiritu ang mga mananampalataya bilang mga pastor, guro, propeta at ebanghelista. Ang mga taong ito ay hindi tinawag na maglingkod dahil ang kanilang mga pamilya ang mga tagapagmana bilang mga saserdote o manggagawa. Sila ay tinawag ng Banal na Espiritu mula sa iba't ibang mga karanasan.

Sa panahong ito, kapag nagpasya ang isang tao para sa ministryo, ito ay hindi nila dapat gawin dahil lamang sila ay anak ng pastor o misyonero kundi dahil sa tinanggap nilang pagkatawag mula sa Panginoon.

May pagkakaiba ang pari at pastor. Ang pari ang namamagitan sa mga tao at sa Diyos. Halimbawa, sa misa ng mga Romano Catolico, ang pari ang umiinom ng alak bilang kinatawan ng mga tao. Ang mga *born-again* ay naniniwala na ang mga tao ay hindi na maaaring maging pari sapagkat minsan nang ginawa ni Jesus ang pag-aalay at sapat

na ito. Si Jesus ang pangwalang-hanggang punong saserdote. Ayon sa 1 Timoteo 2:5, “*Sapagkat iisa ang Diyos at iisa ang tagapamagitan sa Diyos at sa mga tao, ang taong si Cristo Jesus.*” Makabubuti ring basahin ang Hebreo 9 at 10.

Mga Tanong Para sa Talakayan

1. Kilalanin ang mga taong may ganitong mga ministryo: propeta, ebanghelista, pastor, ginagamit ng Diyos na gumawa ng mga himala, may kaloob na pagpapagaling, pagtulong, pangunguna, pagsasalita sa iba't ibang wika.
2. Ang mga ito ba ay ginagawa sa iyong iglesia?
3. Itala ang mga magagandang ginagawa ng iyong pastor at mga manggagawa sa iyong iglesia na nakakabuti sa iyong buhay.

Mga Mungkahing Gawain**(kung nais lamang ng grupo)**

Pagpalain ang mga manggagawa sa iyong iglesia sa linggong ito.

Mga Sagot

- a. Mga apostol
- b. Mga propeta
- c. Mga ebanghelista
- d. Mga pastor
- e. Mga guro
- f. Mga apostol
- g. Mga propeta
- h. Mga guro
- i. Manggagawa ng mga himala
- j. Kaloob ng pagpapagaling
- k. Pagtulong sa iba
- l. Pangangasiwa
- m. Pagsasalita sa iba't ibang wika
- n. Hindi
- o. Diyos
- p. Oo
- q. Mga taong sumasamba sa espiritu at katotohanan



12

Makalangit na
Pagpapagaling**Hangarin ng Aralin**

Ituro na ang makalangit na pagpapagaling ay mahalagang bahagi ng ministeryo ni Cristo dito sa lupa at hanggang ngayon ay ipinagkakaloob ito ng Diyos sa Kanyang mga anak

Mga Layunin

Matututunan ng mga mag-aaral ang mga sagot sa mga sumusunod na tanong:

1. Nagpapagaling pa rin ba ang Diyos hanggang ngayon?
2. Sino ang karapat-dapat na pagalingin?
3. Sino ang nagbabayad para sa ating pagpapagaling tuwing ginagawa ito ng Diyos?
4. Anong pamamaraan ang dapat nating daanan kung tayo ay may sakit?

Mga Talata

Isaias 53:4-5; Mateo 8:16-17; Marcos 16:20; Santiago 5:14-16; 1 Pedro 2:24-25

Paghahanda

Ang pagpapagaling ay malinaw na mahalaga sa Bagong Tipan. Si Cristo ay nagpagaling ng mga maysakit, gayundin ang Kanyang mga alagad nang Siya ay naka-akyat na sa langit. Nang itatag ng mga apostol ang unang iglesya noong unang siglo, ang pagpapagaling at mga himala ay kasunod ng pangangaral ng Ebanghelyo. At hanggang ngayon, patuloy pa ring nagpapagaling ang Diyos.

Bagamat ang makalangit na pagpapagaling ay isang dakilang pagpapala, marami pa ring mga katanungan ukol dito. Una, hindi lahat ng humihingi ng kagalingan ay nakatatanggap nito. Ikalawa, may mga pagkakataon ang mga di mananampalataya ay napapagaling subalit ang mga Kristiyano ay hindi. Minsan, ang mga doktor ay bahagi sa kaparaanan; minsan naman, tanging ang Diyos lamang ay sapat na. Marahil ang mga katanungang ito ay may mga kasagutang di natin lubusang nauunawaan.

Mga Tanong Para sa Talakayan

1. Ayon sa Santiago 5:14-15, ano ang dapat nating gawin kung tayo ay may sakit?
(*Ipatawag ang mga nakatatanda sa iglesya, pahiran tayo ng langis at ipanalangin*)
2. Bakit hindi tayo dapat lumapit sa mga *faith healer* at albularyo? (*Ang kanilang kapangyarihan ay hindi galing kay Cristo.*)



3. Bakit tayo dapat manalangin para sa kagalingan ayon sa ngalan ni Cristo at hindi kay Maria o sa mga santo?

(*Sapagkat walang sinumang itinuturo ang Biblia na maaaring panalanginan maliban sa ngalan ni Jesus. Tingnan ang Santiago 5:14-16.*)

Mga Mungkahing Gawain**(kung nais lamang ng grupo)**

1. Makinig sa patotoo ng sinuman sa *cell group* na nakaranas na pagalingin ni Jesus.
2. Imbitahin din ang iba pang mga may karanasan ng makalangit na pagpapagaling upang magpatotoo sa iyong *cell group*.

Mga Sagot

- a. *Inaalihan ng mga demonyo*
- b. *May karamdaman*
- c. *Sa pamamagitan ng mahimalang mga tanda (tulad ng pagpapagaling)*
- d. *Si Jesus, sa pamamagitan ng Kanyang kamatayan sa krus*
- e. *Lahat ng mga mananampalataya*



13

Ang Mapagpalang
Pag-asa**Hangarin ng Aralin**

Talakayin ang muling pagkabuhay ng mga patay at ang ikalawang pagbabalik ni Cristo

Mga Layunin

Matututunan ng mga mag-aaral ang mga sagot sa mga sumusunod na tanong:

1. Ano ang pag-asa ng lahat ng mga Kristiyano?
2. Ano ang mangyayari sa mga tao ng mamamatay?
3. Ano ang mangyayari sa mga Kristiyanong buhay sa muling pagbabalik ni Cristo?
4. Saan maihahambing ang ating bagong katawan?

Mga Talata

Juan 3:2-3; 1 Corinto 15:51-53;

1 Tesalonica 4:13-17; Tito 2:11-13

Paghahanda

Dahil sa mapanganib na kalagayan ng mga pangyayari sa ating daigdig, ang muling pagbabalik ni Cristo ay napapanahon at kaakit-akit na paksa para sa mga *cell group*.

Ang pisikal na pagbabalik ni Jesu Cristo ay isang pangyayaring inaabangan ng lahat ng mga Kristiyano. Hindi ito isang bagong konsepto.

Si Jesus mismo ang nagpaliwanag ukol sa Kanyang pagbabalik sa Mateo 24, Marcos 13, Lucas 21 at Juan 14. Inilarawan din ni Pablo ang pangyayaring ito sa 1 Corinto 15:51-55. Ayon sa kanya, babalik si Jesus, ang mga namatay ay muling mabubuhay at kasama ng mga buhay, sasalubungin nila si Jesus sa ulap at makakamtan nila ang katawang di nabubulok. Ang serye ng mga pangyayaring ito ay kadalasang tinatawag ng *Pagdagit*.

Maraming mga tao na ang nagpanukala kung kailan ang tiyak na petsa ng Kanyang pagbabalik. Ito ay isang imposibleng gawain. Ayon kay Jesus, tanging ang Diyos Ama lamang ang nakakaalam kung kailan ito mangyayari. Ayon sa Mateo 24:36, “Ngunit walang nakaaalam ng araw at oras ng pagsapit niyon, kahit ang mga anghel sa langit, o ang Anak man – ang Ama lamang ang nakaaalam nito.” Subalit nagbigay Siya ng mga palatandaan upang mabatid natin kung nalalapit na nga ang Kanyang pagbabalik. Nakatala ang mga ito sa apat na Ebanghelyo – Mateo 24, Marcos 13, Lucas 21 at Juan 14.

Bilang *cell leader*, huwag mong hayaan na magkaroon ng pagtatalo-talo ang iyong mga miyembro ukol sa mga mangyayari sa katapusan ng daigdig. Tiyakin lamang na nauunawaan nila na muling babalik si Jesus sa panahong walang nakakaalam, at sa panahong iyon, tayo ay tatanggap ng bagong katawan at buhay na walang hanggan.

Mga Tanong Para sa Talakayan

1. Maraming mga tao ang nag-iisip na ang muling pagbabalik ni Cristo ay malapit na. Gayon din ba ang iyong palagay? (*Iba't ibang mga sagot*)
2. Sa iyong palagay, anu-anong mga pangyayari sa buong mundo ang nagbabadya nito? (*Iba't ibang mga sagot*)
3. Anu-ano ang mga kinakatakutan ng karamihan ukol sa pagbabalik ni Cristo? (*Iba't ibang mga sagot*)
4. Para sa mga di mananampalataya, ang muling pagbabalik ba ni Cristo ay isang nakakatakot na pangyayari? Bakit? (*Iba't ibang mga sagot*)
5. Bakit ito magiging isang napakasayang pangyayari para sa mga Kristiyano? (*Iba't ibang mga sagot*)

Mga Mungkahing Gawain**(kung nais lamang ng grupo)**

1. Magdala ng diyaryo. Anong mga pangyayari sa *front page* ang maihahambing sa Mateo 24?
2. Sauluhin ang Juan 14:1-3.

Mga Sagot

- a. Sinabi ito ni Jesus
- b. Nais ni Pablo na magkaroon tayo ng pag-asa
- c. Oo
- d. Di nabubulok at di namamatay
- e. Sasalubungin nila Siya sa ulap
- f. Mga Kristiyanong namatay na
- g. Bubuhayin muna ang mga namatay na nananalig kay Cristo. Pagkatapos, tayong mga buhay pa ay titipunin niya sa ulap at isasama sa mga binuhay upang salubungin Siya sa papawirin.
- h. Ang muling pagbabalik ni Cristo at buhay na walang hanggan
- i. Kay Jesus



14

Sanlibong Taong Paghahari ni Cristo

Hangarin ng Aralin

Ipaliwanag ang sanlibong taong paghahari ni Cristo

Mga Layunin

Matututunan ng mga mag-aaral ang mga sagot sa mga sumusunod na tanong:

1. Ano ang Milenio?
2. Ano ang uri ng paghahari ni Cristo dito sa lupa (sa milenio)?
3. Anong hula ang kailangan munang matupad bago ang muling pagbabalik ni Cristo?
4. Kailan maliligtas ang mga Judio?
5. May mga tanda ba na magaganap ang mga ito?

Mga Talata

Awit 72:2-8; Isaias 11:6-9; Ezekiel 37:21-22; Mikas 4:3-4; Sofanias 3:19-20; Zacarias 14:5; Mateo 24:27, 30; Roma 11:25-27; Pahayag 1:7; 19:11-14; 20:1-6

Paghahanda

Ang inyong aralin sa araw na ito ay nakatuon sa mga magaganap pagdating ng panahon. Maraming mga talatang ginamit para dito. Maaari mong tingnan ang mga ito nang maaga upang malagyan mo ng pananda ang iyong Biblia para sa mas madaling paghahanap sa mga ito.

Basahin mabuti ang Pahayag 20:1-15. Mapapansin mong ang 1,000 taon ay binanggit ng anim na beses. Tinatawag itong Sanlibong Taong Paghahari ni Cristo. Babalik si Jesus upang itatag ang Kanyang kaharian dito sa lupa. Ito ay tatagal ng 1,000 taon. Sa panahong ito, si Satanas ay kakalagan, ang mga martir ay bubuhaying muli, ang mga Judio ay maliligtas at magkakaroon ng kapayapaan sa buong mundo, kahit sa mga hayop. Si Jesus ang Pinuno at ang lahat ng mga namatay dahil sa kanilang pananampalataya ay kasama Niyang mamumuno. Pagkaraan ng 1,000 taon, muling palalayain si Satanas nang sandaling panahon.

Hindi maaaring magbigay ng tiyak na petsa kung kailan magsisimula ang Milenio. Ang alam natin ay magaganap ito kapag ang Israel ay muling mabubuo bilang isang bansa (nangyari na ito) at pagkatapos ng Ikalawang Pagbabalik ni Cristo.

Mga Tanong Para sa Talakayan

1. Bakit mahirap tiyakin kung kailan ang Milenio? (*Hindi ito sinasabi ng Biblia*)



2. Sa iyo bang palagay ay malapit nang bumalik si Jesus? Bakit o bakit hindi? (*Iba't ibang mga sagot*)
3. Nais mo bang manatiling buhay sa Milenio? Bakit o bakit hindi? (*Iba't ibang mga sagot*)

Mga Mungkahing Gawain (kung nais lamang ng grupo)

1. Paano kaya ang buhay kung wala ang banta ng digmaan? Ano kaya ang mababasa sa *front page* ng mga diyaryo kung walang digmaan, pag-atake ng mga hayop o masasamang mga gawain. Subukang lumikha ng mga pangunahing balita na maaaring mabasa sa mga diyaryo sa panahon ng Milenio.
2. Basahin ang buong Mikas 4 sa linggong ito. Subukang ilarawan sa iyong isip kung ano ang uri ng buhay sa sanlibong taong paghahari ni Cristo.

Mga Sagot

- a. *Dragon, ahas*
- b. *1,000 taon*
- c. *Ang mga Judio ay babalik sa Israel (nangyari na ito)*
- d. *Magiging matigas ang puso ng mga Judio hanggang sa makalapit sa Diyos ang kabuuang-bilang ng mga Hentil*
- e. *Oo*
- f. *Magkakasundo sila*
- g. *Mga matuwid*
- h. *Oo*
- i. *Ang Panginoon*
- j. *Hindi*



15 Ang Huling Paghuhukom

Hangarin ng Aralin

Ipaliwanag ang puting trono ng paghuhukom, ang layunin nito, at kung sino ang mga hahatulan

Mga Layunin

Matututunan ng mga mag-aaral ang mga sagot sa mga sumusunod na tanong:

1. Paano malalaman ng isang tao na siya ay may buhay na walang hanggan?
2. Sino ang mga hahatulan sa huling paghuhukom?
3. Sino ang tagahatol?
4. Ano ang mga batayan para sa kaparusahan?
5. Nais ba ng Diyos na dalhin ang mga tao sa impiyerno?

Mga Talata:

Mateo 25:41, 46; Marcos 9:43-48;

Pahayag 19:20; 20:10-15; 21:8

Paghahanda

Ang huling paghuhukom ay tinatawag ding Malaking Tronong Puti, marahil dahil sa Pahayag 20:11. Ang paghuhukom na ito ay magaganap sa katapusan ng mundo, bago likhain ng Diyos ang bagong langit at ang bagong lupa. Sa hukumang ito, hahatulan ng Diyos ang diyablo at ang kanyang mga anghel, gayundin ang mga di mananampalataya. Ipinapalagay ng mga iskolar ng Biblia na ang mga Kristiyano ay hindi hahatulan sa hukumang ito. Ang kaparusahan para sa mga taong ang kanilang mga pangalan ay hindi nakatala sa Aklat ng Buhay ay impiyerno.

Bilang mga Kristiyano sa ika-21 siglo, marahil ay ayaw nating pag-usapan o isipin ang impiyerno. Subalit ang walang-hanggang kaparusahan ay isang katotohanan. Ang dakilang balita ng Ebanghelyo ay nagsasaad na maaari nating takasan ang kaparusahang ito. Inako na ni Jesus ang kabayaran para sa ating mga kasalanan sa pamamagitan ng Kanyang kamatayan sa krus. At sa oras na humingi tayo ng tawad kay Cristo at manampalataya na ang Kanyang kamatayan ang kabayaran sa ating mga kasalanan, maaari nating iwasan ang impiyerno. Bilang mga Kristiyano, tungkulin nating ipamalita ito sa iba.

Isa sa pinakamainam na paraan upang maihayag ang katotohanan ng Ebanghelyo ay sa pamamagitan ng ating pamumuhay. Ang ating pananampalataya kay Cristo ang magliligtas sa atin sa impiyerno subalit ang uri ng ating buhay ang magpapatunay kung ang ating pananampalataya ay tunay. Ayon kay Apostol

Santiago, "... Patay ang pananampalatayang walang kalakip na gawa." (Santiago 2:17)

Mga Tanong Para sa Talakayan

1. Natatakot ka ba sa huling paghahatol?
(*Iba't ibang mga sagot*)
2. Naniniwala ka bang maiiwasan ng sinumang tao ang paghuhukom sa pamamagitan ng mabubuting gawa?
(*Sinasabi ng Biblia na ang tao ay naliligtas sa pamamagitan ng pananampalataya kay Cristo. Sinasabi rin ng Biblia na walang sinumang maaaring maging karapat-dapat sa kaligtasan, kung kaya't kinailangan ni Cristo na akuin ang ating kaparusahan sa krus. Ang pangunahing talata ay Roma 3:20-26*)
3. Sino ang maaaring makaiwas na mahatulan sa puting trono?
(*Yaong mga tumanggap sa kamatayan ni Cristo sa krus upang matakpan ang kanilang mga kasalanan.*)

Mga Mungkahing Gawain

(kung nais lamang ng grupo)

1. Maaaring humingi ng mga patotoo ukol sa kung kailan sila nagkaroon ng katiyakan ng kaligtasan sa kanilang mga buhay.
2. Basahin ang Roma 3.

Mga Sagot

- a. Diyos (Jesus)
- b. Mga patay
- c. Ayon sa kanilang mga ginawa na nakatala sa mga aklat
- d. Itatapon sila sa lawa ng naglililyab na asupre
- e. Ang sinumang hindi nakatala ang kanilang mga pangalan sa Aklat ng Buhay
- f. Sa demonyo at sa kanyang mga anghel
- g. Mga duwag
- h. Mga taksil
- i. Mga nagpasasa sa kasuklam-suklam na kahalayan
- j. Mga mamamatay-tao
- k. Mga mapakiapid
- l. Mga mangkukulam
- m. Mga sumasamba sa diyus-diyusan
- n. Mga sinungaling



16

Ang Bagong Langit at Bagong Lupa

Hangarin ng Aralin

Ituro na wawasakin ng Diyos ang planetang ito at papalitan Niya ng isang bagong langit at isang bagong lupa

Mga Layunin

Matututunan ng mga mag-aaral ang mga sagot sa mga sumusunod na tanong:

1. Totoo bang magaganap ang katapusan ng mundo at ang ikalawang pagbabalik ni Cristo?
2. Bakit hindi pa ito ginagawa ng Diyos?
3. Ano ang bagong langit at bagong lupa?
4. Sino ang mga maninirahan doon?

Mga Talata

Isaias 65:17; 2 Pedro 3:9, 11-14;
Pahayag 21:1-5; 22-27

Paghahanda

Kung may panahon, makabubuting basahin ang buong Pahayag 21 at ang maikling aklat ng 2 Pedro bago ituro ang araling ito. Bigyang-diin ang katotohanang tinutupad ng Diyos ang Kanyang mga pangako. Ipaliwanag din na ang dahilang kung bakit hindi pa ginaganap ng Diyos ang Kanyang plano ay dahil nais Niyang ang lahat ng mga tao ay maligtas. Mula pa noong narito si Cristo sa lupa, tinutuya na ng mga tao ang kabanalan; sinasabi nilang ang wakas ng mundo ay hindi totoo. Ang pagkutya at pag-uyam sa salita ng Diyos ay hindi na bago.


Mga Tanong Para sa Talakayan

1. Naniniwala ka ba na pahihintulutan ng Diyos na masira ang mundong ito?
2. Ito ba ay tuwirang gawa ng Diyos o kaya naman ay isang digmaan na pahihintulutan Niya?
3. Sa iyong palagay, mangyayari ba ito sa iyong kapanahunan?
4. Bakit may mga taong ayaw sa mga nangangaral ukol sa kabanalan?
5. Bakit mahalaga ang kabanalan?
6. Anong uri ng buhay ang bagong langit at bagong lupa na itatatag ng Diyos?

Mga Mungkahing Gawain

(kung nais lamang ng grupo)

1. Pag-usapan kung ano ang ibig sabihin ng banal na pamumuhay. Paano ito isinasagawa? Basahin ang Galacia 5:16-26.
2. Sauluhin ang Galacia 5:22.



Mga Sagot

- a. Dahil sa mahabang panahon na hindi pa ito nagaganap
- b. Apoy
- c. Mga taong walang Diyos
- d. Na magsisi ang lahat ng mga tao
- e. Dagat
- f. Ang bagong Jerusalem
- g. Langit
- h. Mga tao
- i. Diyos
- j. Kamatayan
- k. Dalamhati
- l. Pag-iyak
- m. Sakit
- n. Wala
- o. Kaningningan ng Diyos at Cordero
- p. Wala
- q. Yaong may mga pangalang nakasulat sa aklat ng buhay

